

Na osnovu člana 94. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19, 34/20 i 33/21), člana 9. Pravilnika o vrstama vlastitih javnih prihoda u Federaciji BiH („Službene novine Federacije BiH“ broj:104/22), Smjernica Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima broj: 11-07/01-11-1134-1/23 od 25.04.2023.godine, izmjene Smjernica u vezi donošenja akta o vlastitim javnim prihodima broj: 11/07/01-11-1134-2/23 od 11.05.2023. godine i Pravila JU Osnovna škola „Šejh Muhamed ef. Hadžijamaković“ Sarajevo, Školski odbor JU OŠ „Šejh Muhamed ef. Hadžijamaković“ Sarajevo na 27. elektronskoj sjednici održanoj 04.10.2023.godine donosi

P R A V I L N I K
O STICANJU I RASPODJELI VLASTITIH PRIHODA JAVNE USTANOVE
Osnovna škola „Šejh Muhamed ef. Hadžijamaković“ Sarajevo

I - Opće odredbe

Član 1.
(Predmet pravilnika)

- (1) Pravilnikom o sticanju i raspodjeli vlastitih prihoda JU Osnovna škola „Šejh Muhamed ef. Hadžijamaković“ Sarajevo (u daljem tekstu:Pravilnik) utvrđuju se vrste, osnov sticanja, visina naknade i raspodjela vlastitih prihoda JU Osnovna škola „Šejh Muhamed ef. Hadžijamaković“ Sarajevo (u daljem tekstu: Škola).
- (2) Pravilnik o vlastitim javnim prihodima JU Osnovna škola „Šejh Muhamed ef. Hadžijamaković“ Sarajevo (u daljem tekstu: Pravilnik) se donosi u skladu sa članom 9. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH”, broj 104/22), Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima, broj: 11-07/01-11-1134-1/23 od 25.04.2023. godine i izmjene Smjernica Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima broj: 11/07/01-11-1134-2/23 od 11.05.2023. godine

Član 2.
(Pojam vlastitih prihoda)

- (1) Vlastiti javni prihodi koje ostvari Škola su javni prihodi Budžeta Kantona Sarajevo, a raspoređuju se u skladu sa Smjernicama navedenim u članu 1. stav (2) ovog Pravilnika.
- (2) Pod vlastitim javnim prihodima u smislu ovog Pravilnika podrazumijevaju se prihodi koje Škola ostvaruje obavljanjem osnovne djelatnosti i ostalih poslova na tržištu.

Član 3.
(Pravni osnov ostvarivanja vlastitih javnih prihoda)

Pravni osnov za ostvarivanje vlastitih javnih prihoda je:

- a) Zakon o osnovnom odgoju i obrazovanju;
- b) Pedagoški standardi i opći normativi za osnovni odgoj i obrazovanje i normativi radnog prosotra, opreme, nastavnih sredstava i učila po predmetima za osnovnu školu.

Član 4.
(Pripadnost prihoda i način uplate)

- (1) Vlastiti prihodi koje Škola ostvari su javni prihodi budžeta Kantona Sarajevo, a raspoređuju se u skladu sa članom 7. Pravilnika o vrstama vlastitih javnih prihoda u FBiH („ Službene novine F BiH broj: 104/22 „) u cjelosti Školi.
- (2) Prihodi se uplaćuju na depozitni račun Budžeta Kantona Sarajevo, a mogu naplaćivati i u gotovini.
- (3) Škola je dužna vlastite prihode ostvarene gotovinskim plaćanjem uplatiti na depozitni račun najkasnije sljedećeg radnog dana od dana naplate istih a naplaćena gotovina se ne može koristiti za izmirenje tekućih obaveza.

II - Sticanje vlastitih prihoda

Član 5.
(Vrste vlastitih prihoda)

Škola stiče vlastite prihode po osnovu:

Vrste vlastitih prihoda koje ostvaruje Škola su:

- a) Pružanja usluga učenicima za produženi/cjelodnevni boravak,
- b) Izdavanje opreme i prostora u zakup,
- c) Prodaje otpadnog materijala,
- d) reklamno-propagandnih usluga,
- e) realizacije pedagoško-metodičke prakse studenata (hospitovanje),
- f) ustupanja tenderske dokumentacije u postupku javnih nabavki i
- g) kopiranja i uvezivanja pisanog materijala.

Član 6.
(Naknada za realizaciju usluga)

Naknade za realizaciju usluga iz člana 5. ovog Pravilnika utvrđuju se kako slijedi:

a) produženi/cjelodnevni boravak za grupe učenika (naknada po učeniku):

- od 14 do 19 učenika 240 KM
- od 20 do 25 učenika 222 KM
- 26 učenika 204 KM

b) izdavanja opreme i prostora u zakup:

- izdavanje opreme i prostora u zakup, kao i visinu naknade za zakupninu utvrđuje školski odbor, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.

c)

visinu naknada za ostale usluge koje realizuje škola navedenih u članu 5. u tačkama d),e), f),i g), a za koje u ovom članu nije navedena cijena istu utvrđuje Školski odbor.

III - Raspodjela vlastitih prihoda

Član 7.

(Planiranje i raspolaganje vlastitim javnim prihodima)

- (1) Ostvareni vlastiti javni prihodi, u cijelosti se raspoređuju Školi.
- (2) Škola je dužna, na osnovu planiranih vlastitih prihoda, planirati i rashode koje će pokriti iz tih prihoda.
- (3) Vlastite prihode iz člana 5. ovog Pravilnika, Škola će koristiti za pokriće izdataka nastalih obavljanjem tih poslova, a ostatak za tekuće i kapitalne izdatke.
- (4) Vlastiti prihodi moraju se utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.

Član 8.

(Način raspodjele ostvarenih vlastitih javnih prihoda)

- a) prihodi koje budžetski korisnik ostvari po osnovu reklamno-propagandnih usluga, izdavanja opreme i prostora u zakup, ustupanja tenderske dokumentacije, kopiranja i uvezivanja pisanog materijala raspoređuju se na sljedeći način:
 - 70% za materijalne troškove, tekuće održavanje i nabavku opreme,
 - 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- b) prihodi koje budžetski korisnik ostvari po osnovu prodaje otpadnog materijala raspoređuju se na sljedeći način:
 - 20% za materijalne troškove, tekuće održavanje i nabavku opreme i
 - 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- c) prihodi koje budžetski korisnik ostvari po osnovu realizacije pružanja usluga učenicima za produženi/cjelodnevni boravak raspoređuje se na sljedeći način :
 - na plaćanje neto i bruto plate sa pripadajućim doprinosima , toplog obroka i naknade za prijevoz na posao i s posla ,
 - plaćanje ishrane i usluge u produženom boravku,
 - nabavke materijala za rad produženog boravka,
 - nastavnih sredstava u produženom boravku
 - nabavke sredstava za čišćenje u produženom boravku

Član 9.
(Praćenje naplate i raspoređivanje vlastitih prihoda)

- (1) Škola je dužna da redovno prati, putem izvještaja koje dobije od Ministarstva finansija, dospelost i naplatu vlastitih prihoda.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun.
- (3) Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.
- 4) Vlastiti prihodi mogu se koristiti samo u toku fiskalne godine, a neutrošeni dio vlastitih prihoda postaje javni prihod Budžeta.

V - Završne odredbe

Član 10.
(Izvještaj o utrošku)

- (1) Škola najmanje jedanput u šest mjeseci Ministarstvu za odgoj i obrazovanje Kantona Sarajevo dostavlja izvještaj o ostvarivanju i utrošku vlastitih prihoda, kao i Školskom odboru.
- (2) Za izradu izvještaja iz stava (1) ovog člana zaduženi su direktor Škole i samostalni referent za plan i analizu.

Član 11.
(Izmjene i dopune Pravilnika)

Izmjene i dopune ovog Pravilnika vrše se na način i po postupku predviđenom za njegovo donošenja.

Član 12 .
(Stupanje na snagu Pravilnika)

- (1) Pravilnik stupa na snagu danom donošenja a primjenjuje se danom dobijanja saglasnosti Vlade Kantona Sarajevo .
- (2) Pravilnik će se putem Ministarstva za odgoj i obrazovanja Kantona Sarajevo dostaviti Vladi Kantona Sarajevo radi dobivanja saglasnosti.
- (3) Stupanjem na snagu ovog Pravilnika stavlja se van snage Pravilnik o sticanju i raspodjeli vlastitih prihoda JU Osnovne škole „Šejh Muhamed ef. Hadžijamaković“ Sarajevo usvojen Odlukom Školskog odbora broj: 01-1-527/23 od 08.08.2023. godine.

Broj: 01-1-777-1/23
Sarajevo: 04.10.2023. godine

PREDSJEDNIK ŠKOLSKOG ODBORA

Amra Ajanović